

宋六十一名家詞



酒邊詞目錄

江南新詞

滿庭芳二調

八聲甘州二調

滿江紅一調

鷓鴣天十二調

秦樓月一調

南鄉子一調

臨江仙一調

清平樂七調

採桑子一調

卜算子五調

南歌子一調

桂殿秋一調

好事近二調

江北舊詞

滿庭芳一調

酒邊詞目錄

塞山溪三調

水調歌頭三調

虞美人四調

減字木蘭花一調

少年遊一調

浣溪沙十二調

七娘子一調

更漏子一調

一落索一調

三字令一調

減字木蘭花一調

朝中措一調

減字木蘭花六調

水調歌頭一調

水龍吟二調

洞仙歌一調

蝶戀花一調

阮郎歸一調

西江月六調

生查子二調

減字木蘭花二調

點絳脣十七調

如夢令二調

長相思一調

南歌子三調

菩薩蠻一調

梅花引二調

宋六十名家詞

二

- | | | |
|-------|-------|---------|
| 婦人嬌一調 | 玉樓春二調 | 鷓鴣天五調 |
| 踏莎行一調 | 鵲橋仙一調 | 虞美人四調 |
| 更漏子二調 | 鵲橋仙一調 | 南歌子一調 |
| 鵲橋仙一調 | 南歌子二調 | 卜算子一調 |
| 菩薩蠻三調 | 南歌子一調 | 減字木蘭花一調 |
| 秦樓月一調 | 生查子六調 | 望江南一調 |
| 浣溪沙一調 | 西江月一調 | 點絳脣一調 |
| 醜奴兒一調 | 如夢令一調 | 好事近二調 |
| 採桑子一調 | 清平樂一調 | 浣溪沙十三調 |
| 相見歡三調 | | |

酒邊詞卷上

宋 向子諲

江南新詞

滿庭芳

（巖桂風韻高古平生心醉其間音轉漕淮南嘗手植堂下羣林此花爲多戲作是詞當邀徐師川諸公同賦）

月窟蟠根。靈巖分種。絕知不是塵凡。瑤璃翦葉。金粟綴花繁。黃菊周旋避舍。友蘭蕙羞殺。山樊。清香遠。秋風十里。鼻觀已先參。酒闌聽我語。平生半是。江北江南。經行處。無窮綠水青山。常被此花相惱。思共老。結屋中間。不因著。羣林底事。遊戲到人寰。

又（巖桂羣林改張元功所作）

瑟瑟金風。團團玉露。巖花秀發秋光。水邊一笑。十里得清香。疑是蕊宮仙子。新妝就。嬌額塗黃。霜天曉。妖紅麗紫。回首總堪傷。中央孕正色。更留明月。偏照何妨。便高如蘭菊也。讓芬芳。輸與羣林居士。微吟罷。閒據胡牀。須知道。天教尤物。相伴老江鄉。

羣山溪（紹興乙卯大雪行鄱陽道中）

瑤田銀海。皓色難爲對。琪樹照人間。曉然是華嚴境界。萬年松徑。一帶舊峯巒。深掩覆。密遮藏。三昧光無礙。金毛獅子。打就休驚怪。片片上紅爐。且不可將情作解。有無不道。低絕去來今。

明即暗。暗還明。只個長不昧。

又（王明之曲，鄒林易置十數字歌之）

挂冠神武。來作煙波主。千里好江山。都盡是君恩賜與。風勾月引。催上泛宅時。（泛宅，即公所賜舟也。上批云：泛宅可永充子醺乘坐。因名其舟曰泛宅。）酒傾玉。鱸堆雪。總道神仙侶。蓑衣箬笠。更著些兒

雨。橫笛兩三聲。晚雲中驚鷗來去。欲煩妙手。寫入散人圖。蝸角名。蠅頭利。著甚來由顧。

又（老婆生日作，十一月初七日）

一陽才動。萬物生春意。試說與宮梅。到東閣花枝第幾。疎疎淡淡。冷豔雪中明。無俗調。有真香。正與人相倚。怕煙怕霧。瑞色門闌喜。再拜引杯長。看兩頰紅潮欲起。天教難老。風鬢綠如雲。對玉筍。與薝林。歲歲花前醉。

水龍吟（紹興甲子，上元，有懷京師）

華燈明月光中。綺羅紋管春風路。龍如駿馬。車如流水。輾紅成霧。太乙池邊。葆真宮裏。玉樓珠樹。見飛瓊伴侶。霓裳縹緲。星回眼。蓮微步。笑入綵雲深處。更冥冥一簾花雨。金鈿半落。寶釵斜墜。乘鸞歸去。醉失桃源。夢回蓬島。滿身風露。到而今江上。愁山萬疊。鬢絲千縷。

又（甲子季冬，丁亥，冒雪與晁叔異劉子駒兄弟，皆北客同上雪臺登蓮輝觀，使君遣酒，仍與北梨俱醉薝林堂上，相與聯句云：西北通無路，東南偶共期。穿林行鳥路，踏雪嚙鵝梨。吳大年方病起，不能同此樂。得大年水龍吟詞，過之夜歸，月色如畫，亦賦一首）

夢回寒入衾。曉驚忽墮瑤林裏。穿帷透隙。落花飛絮。難窮巧思。著帽披裘。挈壺呼友。倚空臨水。望瓊田不盡。銀濤無際。浮皓色。來天地。遙想吳郎病起。政冷窗微吟。擁鼻持牋。贈我新詞絕唱。珠零玉碎。餘興追遊。清芬坐對。高談傾耳。晚歸來。風掃停雲。萬里月華如洗。

八聲甘州 (中秋前數夕久雨方晴)

恨中秋多雨及晴景。追賞且探先。縱玉鉤初上。冰輪未正。無素嬋娟。飲客不來自酌。對影亦清妍。任笑薌林老。雲鬢霜髻。好在章江西畔。有凌雲玉筍。空翠相連。懶倚嶠嶺林麓。則窈窕溪邊。自斷此生休問。願甕中長有酒如泉。人世間。是誰得似。月下尊前。

又 (丙寅中秋對月)

掃長空萬里淨。無雲飛鏡上天東。欲騎鯨與問。一株丹桂。幾度秋風。取水珠宮貝闕。聊爲洗塵容。莫放素娥去。清影方中。立魄猶餘半壁。便笙簧萬籟。尊俎千峯。况十分端正。更鼓舞衰翁。恨人生時乎不再。未轉頭歡事已沈空。多酌我。歲華好處。浩意無窮。

水調歌頭 (大觀庚寅閏八月秋。薌林老顧子美汪彥章蒲庭鑑時在諸公幕府間。從游者洪駒父徐師川蘇

仰固及李商老兄弟。是夕登臨賦咏樂甚。俯仰三十九年。所存者余與彥章耳。紹興戊辰再閏。感時撫事。爲之太息。因取舊詩中師川一二語作是詞)

閨餘有何好。一年兩中秋。補天修月人去。千古想風流。少日南昌幕下。更得洪徐蘇李。快意作

清遊送日眺西嶺，得月上東樓。四十載兩人在，總白頭。誰知滄海成陸，萍跡落南州。忍問神京何在。幸有薌林秋露，芳氣襲衣裘。斷送餘生事，唯酒可忘憂。

又

（靈隱寄云與洛濱老人及筠翁過最樂堂醉中秋月用鄮韻有妙唱得賦一首庶異時不爲堂上生客耳）

我生六十四，四度閱中秋。碧天千里如水，明月更如流。照我洛濱詩伯，攜手仙卿塵隱，閨苑與同遊。人醉玉相倚，不肯下瓊樓。薌林老，章江上，幾回頭。膽欲控鶴瀛海，聊下越王州。直入白雲深處，細酌仙人九醞，香霧儘侵裘。共看一笑粲，以寫我心憂。

又

（再用前韻答任令尹）

飄飄任公子，爽氣欲橫秋。向日攜詩過我，知不是凡流。築室清江西畔，巧占一川佳處，勝士曰追遊。邀我出間去，拉月上新樓。爛銀盤，從樹杪，出雲頭。好是風流從事，同醉入青州。須信人生如幻，七十古來稀有，銷得幾狐裘。誰似薌林老，無喜亦無憂。

洞仙歌（中秋）

碧天如水，一洗秋容淨。何處飛來大明鏡。誰道斫卻桂，應更光輝，無遺照，寫出山河倒影。人猶苦餘熱，肺腑生塵，移我超然到三境。問姮娥，綠底事，有盈虧，煩玉斧，運風重整。教夜夜，人世十分圓，待拚卻長年，醉了還醒。

滿江紅

（奉酬曾端伯使君兼簡趙若虛監郡）

雁陣橫空。江楓戰幾番風雨。天有意作新秋令。欲慶殘暑。籬菊巖花俱秀發。清芬不斷來窗戶。共驩然。一醉得黃昏。仍叔度。尊前事。塵中去。拈花問。無人語。薌林顧靈照。笑撫庭樹。試舉似。虎頭城太守。想應會得玄玄處。老我來。懶更作淵明。閒情賦。

虞美人

（與趙正之宛邱執別。俯仰十有餘年。忽漫相逢。又爾語別。作是詞以送。）

淮陽堂上曾相對。笑把姚黃醉。十年離亂有深憂。白髮蕭蕭。同見渚江秋。履聲細聽知何處。欲上星辰去。清寒初溢暮雲收。更看碧天如水。月如流。

又

（明年過彭蠡。遇天風。行巨浪中。用前韻寄趙正之及洪州李相公。兼示開元栖霞二老。）

銀山堆裏蘆山對。舟子愁如醉。笑看五老了無憂。大覺胸中雲夢氣橫秋。若人到得歸元處。定一齊銷去。直須聞見泯然收。始知大江東注不曾流。

又

（中秋與二三禪子方誦十玄談。趙正之復以長短句見寄。乃用其韻語答之。）

澄江霽月秋無對。龜酒何須醉。人憐貧病不堪憂。誰識此心如月正含秋。再三滂澍方知處。試向波心去。迢迢空劫勿能收。漫道從來天地與同流。

又

（梅花盛開。走筆戲呈韓叔夏司諫。）

江頭苦被梅花惱。一夜霜須老。誰將冰玉比精神。除是淩波卻月見天真。情高意遠仍多思。只有人相似。滿城桃李不能春。獨向雪花深處露花身。

蝶戀花 (和曾端伯使君用李久善韻)

洲上百花如錦繡。水滿池塘。更作潏潏溜。斷送風光惟有酒。苦吟不怕因詩瘦。尋壑經邱長是久。晚晚歸來。稚子柴門候。萬事付之醒夢後。眉頭不爲閒愁皺。

又 (百花洲老桂盛開。張師明程德遠攜酒來醉花下有唱酬蝶戀花亦次其韻)

巖桂秋風南隸路。牆外行人。十里香隨步。此是鄉林遊戲處。誰知不向根塵住。今日對花非浪語。憶昨明光。早荷君王顧。生怕青蠅輕點汗。思鱸何似思花去。

鷓鴣天 (壽太夫人)

戲綵堂深翠幕張。南鵬特地作微涼。葵花向日枝枝似。萱草忘憂日日長。門有慶。福無疆。老人星共酒生光。殷勤更假天吳手。傾瀉西江入壽觴。

又 (番禺齊安郡王席上贈故人)

台榭初逢兩妙年。瑤林玉樹倚風前。疎梅影裏春同醉。紅菱香中月一船。長悵恨。短姻緣。空餘蝴蝶夢相連。誰知瘴雨蠻煙地。重上襄王玳瑁筵。

又 (豫章郡王席上)

兩個鴛鴦波上來。一綸楊柳掌中迴。已愁共雪因風去。更著繁絃急管催。含淺笑。勸深杯。桃花氣暖眼邊開。司空常見風流慣。輸與山翁醉玉摧。

又（紹興己未歸休後賦）

露下風前處處幽。官黃如染翠如流。誰將天上蟾宮樹，散作人間水國秋。香郁郁，思悠悠。幾年魂夢繞江頭。今朝得到薊林畔，白髮相看萬事休。

又（舊史載白樂天歸洛陽得楊常侍舊第，有林泉之致，占一都之勝，鄉林居士卜築清江，乃楊遵道光祿故居也。昔文安先生之所可，而竹木池館亦甚似之。其子孫與西蘇山茲從遊，所謂百花洲者，因東坡而得名，嘗爲絕句以紀其事，復戲廣其聲爲是詞云。）

莫問清陽與洛陽。山林總是一般香。兩家地占西南勝，可是前人例姓楊。石作枕，醉爲鄉。藕花菱角滿池塘。雖無中島霓裳奏，獨鷓鴣隨人意自長。

又（有懷京師上元，與韓叔夏司諫王夏卿侍郎曹仲聲少卿同賦。）

紫禁煙花一萬里。驚山宮闕隱晴空。玉皇端拱彤雲上，人物嬉遊陸海中。星轉斗，駕回龍。五侯池館醉春風。而今白髮三千丈，愁對寒燈數點紅。

又（戲韓叔夏）

只有梅花似玉容。雲窗月戶幾尊同。見來照眼明如水，欲去愁眉淡遠峯。山萬疊，水千重。一雙蝴蝶夢能通。都將淚作梅黃雨，盡把情爲柳絮風。

又（老妻生日）

玉篆題名在九天。而今且作地行仙。挂冠神武歸休後。同醉薌林是幾年。
龜游泳。鶴踰蹊。疎梅修竹兩清妍。欲知福壽都多少。早閱清江可比肩。

又（詠紅梅）

江北江南雪未消。此花獨步百花饒。青枝可愛難爲杏。綠葉初無不是桃。
多態度。足風標。蕊珠仙子醉紅潮。絕憐野外橫斜處。似與薌林慰寂寥。

又（紹興壬戌中秋前數夕。與楊謹仲魯子明劉曼客及子駒兄弟待月新橋。）

駕月新成碧玉梁。青天萬里瀉銀潢。廣寒宮裏無雙樹。無熱池邊不盡香。
承露液。釀秋光。直須一舉累千觴。不知世路風波惡。何似薌林氣味長。

又（紹興戊辰歲閏中秋）

明月光中與客期。一年秋半兩圓時。姮娥得意爲長計。織女歡盟可恨遲。
瞻玉兔。倒瓊彝。追懷往事記新詞。浩歌且入滄浪去。醉裏歸來疑不知。

又（曾端伯使君自虔守移帥荆南。作是詞戲之。）

贛上人人說故侯。從來文采更風流。題詩漫道三千號。別酒須拚一百籌。
乘畫鷁。衣輕裘。又將春色過荊州。合江繞岸垂楊柳。總學歌眉葉葉愁。

減字木蘭花（紹興辛未冬溫臘前梅花已謝去。明日立春。今夕大雪。程德遠弟來自龍舒。張琦實寄聲相）

問有憶其人。

青松翠篠。一夜欹傾如醉倒。殘臘能佳。落盡梅花見雪花。詩涯酒島。何日登臨同笑傲。未老還家。飽歷年華有鬢華。

又（紹興壬申春。羈林瑞香盛開。賦此詞。是年三月十有六日辛亥。公下世。此詞公之絕筆也。）

斜紅疊翠。何許花神來獻瑞。粲粲裳衣。割得天孫錦一機。真香妙質。不耐世間風與日。著意遮圍。莫放春光造次歸。

阮郎歸（紹興乙卯大雪。行鄒陽道中。）

江南江北雪漫漫。遙知易水寒。同雲深處望三關。斷腸山又山。天可老。海能翻。消除此恨難。頻聞遣使問平安。幾時變轍還。

秦樓月

芳菲歇。故園目斷傷心切。傷心切。無邊煙水。無窮山色。可堪更近乾龍節。眼中淚盡空啼血。空啼血。子規聲外。曉風殘月。

少年遊（別韓叔夏）

去年同醉醉藤下。儘筆賦新詞。今年君去。醉藤欲破。誰與醉爲期。舊曲重歌。傾別酒。風露泣花枝。章水能長。湘水遠。流不盡。兩相思。

西江月（番禺趙立之郡王席上）

風響蕉林似雨，燭生粉豔如花。客星乘興泛仙槎。誤到支機石下。
歡喜地中取醉，溫柔鄉裏。
爲家暖紅香霧，鬧春華不道風波可怕。

又（吳種仲與法喜以禪悅爲樂，寄倡酬醉蓬萊，示羣林居士，有見處卽已無心卽了之句，戲作是詞答之）

見處莫教甚著，無心慎勿沈空。本無背面與初終。說了還同說夢。
欲識羣林居士，真成漁父。
家風收絲乘釣月，明中總是神通妙用。

又（紹興丁巳秋，編走湖東諸郡，遂作天台雁宕之遊，政黃柑江鱸時，足慰平生。時拜詔書羣林之賜，因成長短句，寄朱子、登范元長、陳去非、翰林三學士，以資玉堂中一笑）

得意穿雲度水，及時斫玉分金。茲游了却未來心。怪我歸遲一任。
居士何如學士，翰林休笑。
羣林個中真味少，知音不是清狂太甚。

又（政和年間，卜藥宛邱，手植衆菊，自號羣林居士。建炎初，解六路清事，中原微擾，故廬不得返，卜居清江之五柳坊。紹興癸丑，罷帥南海，卽棄官不仕。乙卯起，以九江郡得轉清江東，入爲戶部侍郎，辭樂辭誘出，守姑蘇，到郡少日，請又力爲詔，可且賜舟曰泛宅，送之以歸。己未暮春，復差營隱，時仲男李公休亦辭春陵郡守致仕，書賦是詞）

五柳坊中煙綠，百花洲上雲紅。蕭蕭白髮兩衰翁。不與時人同夢。
拋擲鱗符虎節，徜徉月下。
林風世間萬事轉頭空。個裏如如不動。

又（山谷作醢醢詩極工，所謂露濕何耶試湯餅，日烘荷令炷爐香，取古人語以況此花，稱爲著題。余三十年前與異之道猷、叔諸公，醉皇遠院，東武龔家，醢醢甚盛，各賦長短句，獨記余浣溪沙一首云：翠羽衣雲白玉人，不將朱粉汗天眞，清風爲伴月爲隣。枕上解隨良夜夢，壺中別是一家春，同心小綰更尖新，眞成夢事，此花不殊，而心情老嫗，無復當時矣，勉強作是詞云。）

紅褪小園桃杏，綠生芳草池塘，誰教芍藥殿春光。兀似醢醢官樣，翠蓋更豪華，珠幃熏爐臙熨，沈香娟娟風露滿衣裳，獨步瑤臺月上。

又（老妻生日，因取龢林中所產異物，作是詞以侑觴。）

幾見芙蓉並蒂，忽生三秀靈芝，千年老樹出孫枝，巖桂秋來滿地，白鶴雲間翔舞，綠龜葉上遊戲，齊眉偕老更何疑，個裏自非塵世。

南鄉子（大雪，韓叔夏坐中）

梅與雪爭姝，試問春風管得無，除卻個人多樣態，誰如，細把冰姿比玉膚，一面倒金壺，既醉仍煩翠袖扶，同向凌風臺上看，何如，且與龢林作畫圖。

浣溪沙（寶林山聞建蘭）

綠玉叢中紫玉條，幽花疎淡更香饒，不將朱粉汗高標，空谷佳人宜結伴，貴游公子不能招，小窗相對誦離騷。

又（漁父詞，張志和之兄松巖所作也，有招玄眞子歸隱之意，居士爲姑蘇郡守，浩然有歸志，因廣其聲，爲浣溪

沙。示姑蘇諸友。

樂在烟波釣是閒。草堂松桂已勝攀。梢梢新月幾回灣。
一碧太湖三萬頃。屹然相對洞庭山。
狂風浪起且須還。

又（戲呈牧庵舅）

進步須於百尺竿。二邊休立莫中安。要知玄露沒多般。
花影鏡中拈不起。蟾光空裏撮應難。
道人無事更參看。

又（荆公除日詩云。爆竹聲中一歲除。東風送暖入屠蘇。千門萬戶曠曠日。爭把新桃換舊符。東坡詩云。老去怕看新曆日。退歸擬學舊桃符。古今絕唱也。呂居仁詩有畫角聲中一歲除。平明更飲屠蘇酒之句。政用以爲故事耳。鄒林退居之十年。戲集兩公詩。輒以鄙意足成浣溪沙。自書以遺靈照。）

爆竹聲中一歲除。東風送暖入屠蘇。曠曠曉色上林廬。
老去怕看新曆日。退歸擬學舊桃符。
青春不染白髭鬚。

又（巖桂花開。不數日謝去。每恨不能挽留。近得爐熏。頗耐久。）

醉裏驚從月窟來。睡餘如夢蕊宮回。碧雲時度小崔嵬。
疑是海山憐我老。不論時節遣花開。
從今休數返魂梅。

又（曾端伯和）

別樣清芬撲鼻來。秋香過後卻追回。博山輕霧鎖崔嵬。珍重香林一抹手。不教一日不花開。暗中錯認是江梅。（首二句或刻聽罷霓裳夢覺來。天香留得袖中回。）

又（老妻生日）

星斗昭回自一天。疎梅池畔鬪清妍。蟠桃正熟藕如船。葉上靈龜來瑞世。林間白鶴舞胎仙。春秋不記幾千年。

又（堂前巖桂犯雪開數枝。色如杏黃。適當老妻生朝。作以此偈應。）

瑞氣氤氳拂水來。金幢玉節下瑤臺。江梅巖桂一時開。不盡秋香凝燕寢。無邊春色上尊罍。臨風嗅蕊共徘徊。

又（和曾吉甫韻。早宋景晉待制。宋有二小姬。小桃小蘭。）

綠繞紅圍宋玉牆。幽蘭林下正芬芳。桃花氣暖玉生香。誰道廣平心似鐵。豔妝高韻兩難忘。蘇州老矣不能狂。

又（再用韻。寄曾吉甫運使。）

靄靄停雲覆短牆。天天臨水自然芳。猗猗無處著清香。珍重驀山溪句好。尊前頻舉不相忘。濛濛夢蝶儘春狂。

又（簡王景源元渤伯仲）

南國風煙深更深。清江相接是廬陵。甘棠兩地綠成陰。九日黃花兄弟會。中秋明月故人心。悲歡離合古猶今。

又（紹興辛未中秋。王景源使君乘流下簫灘。捨舟從陸。鄉林老人以長短句贈行。）

尊俎風流意氣傾。一杯相屬忍催行。離歌更作斷腸聲。滾滾大江前後浪。娟娟明月短長亭。水程山驛總關情。

生查子（紹興戊午。姑蘇郡齋懷歸賦。）

天上得靈根。不是凡花數。清似水沈香。色染薔薇露。薔林月冷時。玉筍雲深處。歸夢托秋風。夜夜江頭路。

又（與客醉巖桂下。落蕊忽墮酒杯中。）

月姊倚秋風。香度青林杪。吹墮酒杯中。笑靨撩人小。薔林萬事休。獨此情未了。醉裏又題詩。不覺花前老。

臨江仙（紹興庚申。老妻生日。幼女靈照。生於是歲。女子亦有弄璋之喜。）

新月低垂簾額小。梅半出檐牙。高堂開燕靜無譁。麟孫鳳女。學語正啞啞。寶鼎騰薰沈水瓊。芳爛醉流霞。薔林同老此生涯。一川風露。總道是仙家。

七娘子